

Die Schtifu wo du dinne schteisch si irgenwenn e Chue gsii  
& d'Fläsche ufem Tisch isch vorhär 17 Jahr zue gsii  
& ds Grosi wo serviert isch irgenwenn e chliine Goof gsii  
Aues wo hütt wieder hip isch, isch geschter no doof gsii

Hie wo hütt dä Schpunte schteit het's früecher mau es Fäud gha  
Dr Werner het bis vor paar Jahr no ziemli huufe Gäud gha  
Dr Röfe isch tot - dr Thömu isch tot - sie si beidi scho lang gschorbe  
& niemer cha dr säge, was us dene Zwene no wär worde

Am Morge we dr Wecker geit isch aus numene Troum gsii  
Dr Schtueu unger dim Arschi isch irgendwenn e schöne Boum gsii  
Dr Ferdinand isch gschorbe - süsch hätt me ne kaschtriert  
& we dr Fahrer nid wär blind gsii, wär dr Unfau nid passiert

I ha früecher es paar Heude gha, ha se irgendwenn vergässe  
Chasch e ganze Tag ir Chuchi schtah, ire Viertuschtung isch's gfrässe  
Chasch dis ganze Läbe warte, bruuchsch di niemeh eim z'verschänke  
& irgendeinisch bisch im Autersheim am Schiffli versänke (Solo)

& du chasch warte bis de schwarz wirsch, gloub mr dä chunnt nüm  
Es chunnt aus eso wie's chunnt & irgendwenn isch's nüm so schlimm  
& irgendwenn chunnt wieder eine & irgendwenn isch dä nüm da  
We jedi wäge jedem Depp wett i ds Chloschter gah

*Du chasch gloub was de wosch & du chasch gloub dä isch's gsii  
& du chasch gloub s'chönni nie mit em ne andere so sii  
& irgendwenn schteit eine vor dr, villecht geit's (haut) es paar Jährli  
& när ghörsch plötzlech wieder Giige & Trumpete wie im Märli*

**Gloub doch was de wosch aber irgendwenn wosch's wieder wüsse  
& wed e Prinz wosch muesch haut villecht zersch no zwe, drei Frösche küsse**

**Chum gloub doch was de wosch aber irgendwenn wosch's wieder wüsse  
& wed e Prinz wosch muesch haut villecht zersch no zwe, drei Frösche küsse**

(6x) ||: Em7 <(/A) | Em7 <(/A) :||: F#m B | F#m B :|| 2/4 Break ||

(10x) ||: Em7 <(/A) | Em7 <(/A) :|| e f f# g ||

(3x) ||: G#m7 | G#m7 | G#m C# | G#m C# :|| (Solo)

(6x / 2x tacet / 4x) ||: Em7 <(/A) | Em7 <(/A) :||

| G#m7 | G#m7 ||: Em7 <(/A) | Em7 <(/A) :|| (9x)